



Istinomjer Zastone <istinomjer@zastone.ba>

Odgovor Uprava policije MUP USK

1 message

portparol@mupusk.gov.ba <portparol@mupusk.gov.ba>
To: istinomjer@zastone.ba

Tue, Feb 20, 2024 at 1:58 PM

Poštovani,

Na Vaš upit od 20.02.2024. godine dajemo slijedeći odgovor:

Ljekarski pregledi policijskih službenika u Upravi policije Ministarstva unutrašnjih poslova Unsko-sanskog kantona vrši se samo prilikom zapošljavanja u skladu sa Zakonom o policijskim službenicima Unsko - sanskog kantona („Službeni glasnik Unsko - sanskog kantona“, broj: 14/06, 5/08, 3/14 i 31/18) i Pravilnikom o sadržaju, načinu i rasporedu testiranja i sistemu bodovanja kandidata u procesu odabira policijskih službenika u upravu policije ministarstva unutrašnjih poslova Unsko - sanskog kantona („Službeni glasnik Unsko-sanskog kantona“, broj: 29/21, 29/22, 33/22 i 10/23).

Članom 40. stav (3) i (4) Zakona o policijskim službenicima Unsko - sanskog kantona je propisano:

(3) Policijski službenici su obavezni da pristupe periodičnom ljekarskom pregledu kojeg organizuje Ministarstvo, a u cilju utvrđivanja zdravstvene sposobnosti za obavljanje policijskih poslova.

(4) U izuzetnim slučajevima, policijski komesar, kada ocijeni to potrebnim, može policijskog službenika uputiti i na vanredni ljekarski pregled.

Međutim, ove odredbe se ne provode zbog nepostojanja podzakonskog akta kojim bi se propisao postupak upućivanja na periodični i vanredni ljekarski pregled, te način postupanja nakon obavljenog ljekarskog pregleda u slučaju da se utvrdi da policijski službenik nije sposoban za obavljanje poslova i zadataka policijskog službenika.

Prijedlogom Zakona o izmjenama i dopunama Zakona o policijskim službenicima Unsko - sanskog kantona koji u skorije vrijeme treba ići u skupštinsku proceduru propisana je obaveza donošenja podzakonskog propisa kojim bi se regulisao sadržaj ljekarskih pregleda i način upućivanja na isti, a sve uz konsultaciju sa Ministarstvom zdravstva Unsko-sanskog kantona.

Dakle, ljekarski pregledi obavljaju se prilikom zasnivanja radnog odnosa. Nisu vršeni periodični ljekarski pregledi, niti vanredni ljekarski pregledi zbog nepostojanja podzakonskog propisa kojim bi se regulisao sadržaj ljekarskih pregleda i način upućivanja na isti, nakon čega bi se i obezbjedila novčana sredstva za provođenje tog podzakonskog propisa.

Uprava policije MUP-a USK je od dana stupanja na snagu Uputstva o provođenju postupka za ostvarivanje prava po osnovu invalidnosti i fizičke onesposobljenosti i provođenju postupka medicinskog vještačenja zdravstvenog stanja („Službene novine F BiH“, broj: 46/18) do današnjeg dana pokrenula tri postupka za ostvarivanje pravo po osnovu invalidnosti, koji su rezultirali donošenjem dva rješenja o prestanku radnog odnosa, nakon što im je rješenjem Federalnog zavoda utvrđena I kategorija invalidnosti, te priznato pravo na invalidsku penziju. Jedan ovakav postupak je još u fazi rješavanja.

U Upravi policije Ministarstva unutrašnjih poslova Unsko-sanskog kantona je kao i u ostalim policijskim agencijama u Federaciji Bosne i Hercegovine već duži vremenski period evidentan je problem koji se odnosi na policijske službenike zaposlene u Federalnoj upravi policije i u kantonalnim upravama policije, a kojima je u postupku procjene radne sposobnosti od strane nadležnog Instituta za medicinsko vještačenje zdravstvenog stanja utvrđena promjena radne sposobnosti i isti su razvrstani u II kategoriju invalidnosti, sa ograničenom zdravstvenom sposobnošću. Isti na osnovu navedenog, a po rješenjima izdanim od Federalnog zavoda za penzijsko i invalidsko osiguranje ostvaruju pravo na raspoređivanje-pravo na zaposlenje na drugom odgovarajućem poslu koji npr. ne iziskuje težak fizički rad, rad na terenu i rad u smjenama, poslovi koji ne iziskuju hitne intervencije pri radu, poslovi čuvanja lica i imovine, dugotrajno hodanje i stajanje, rad u čučecem i klečecem položaju, rukovanje transportnim i saobraćajnim sredstvima, te rukovanje vatrenim oružjem i dr., kao i pravo na odgovarajuću naknadu.

Prilikom donošenja rješenja o II kategoriji invalidnosti Federalni zavod za penzijsko/mirovinsko i invalidsko osiguranje ne vodi računa o djelatnosti policijskog organa, odnosno ne vodi računa o tome da je osiguranik kojem se utvrđuje II kategorija invalidnosti policijski službenik, da se na istog kao i na ostale policijske službenike zaposlene u policijskom organu primjenjuje Zakon o policijskim službenicima kojim su regulisane policijske ovlasti i radno-pravni status policijskih službenika, a problem dodatno usložnjava obaveza policijskom organu da, u skladu sa izdanim rješenjima Federalnog zavoda za penzijsko i invalidsko osiguranje, istima obezbjedi adekvatna radna mjesta.

Takvih policijskih službenika u Upravi policije MUP USK –a ima ukupno 47. Od toga dva policijska službenika su proglašena invalidima II kategorije zbog povrede na radu, dok je za 10 policijskih službenika sa utvrđenom II kategorijom invalidnosti utvrđeno raspoređivanje na poslove koji ne koji iziskuju nošenje i upotrebu vatrenog oružja. Bez obzira na činjenicu što je držanje i nošenje oružja za policijskog službenika, pravo a i dužnost, Uprava policije izvršava ova rješenja, te rješenjem o rasporedu na adekvatan način izvrši rješenje Federalnog zavoda, pogotovo kad je u pitanju vatreno oružje koje policijski službenik razdužuje i predaje u svoju organizacionu jedinicu u koju je raspoređen.

Bitno je istaći da Uprava policije prilikom popunjavanja Obrasca P-3 (Podaci o radnom mjestu osiguranika) – (obrazac koji se popunjava prilikom ostvarivanja prava na invalidsku penziju), uvijek navodi – da se treba utvrditi potpuna psihička i fizička sposobnost zbog primjene policijskih ovlasti – držanje, nošenje i upotreba oružja. Međutim, Institut za medicinsko vještačenje se ne obazire na ovu činjenicu i sve naše izjavljene žalbe na ova Rješenja odbija kao neosnovane.

Bitno je naglasiti da se policijski službenici kojima je rješenjem nadležnog organa utvrđena umanjena radna sposobnost (invalid II kategorije invalidnosti), prema trenutno važećim propisima na području Unsko-sanskog kantona, kao i u drugim kantonima Federacije, ne mogu rasporediti na radna mjesta državnih službenika i namještenika.

Prema našem mišljenju ova problematika se najlakše može riješiti izmjenama i dopunama Zakona o penzijskom i invalidskom osiguranju („Službene novine F BiH“, broj: 13/18, 93/19, 90/21, 19/22 i 42/23), na način da se policijskim službenicima sa utvrđenom II kategorijom invalidnosti omogući pravo na ostvarivanje invalidske penzije.

Problem kao takav je prepoznat i u ranijem periodu te je zamjenik direktora Federalne uprave policije donio rješenje kojim je formirao Radnu grupu za rješavanje statusnih pitanja policijskih službenika F BiH kojima je utvrđena invalidnost II kategorije. Radnu grupu su činili uposlenici Federalne uprave policije i predstavnici svih kantona.

Radna grupa je imala zadatak da izvrši analizu zakonskih i podzakonskih propisa kojima je regulisana oblast radno-pravnog statusa policijskih službenika na nivou Federacije BiH, te da na temelju toga pristupi izradi teksta izmjene/dopune postojećih propisa, a sve u cilju adekvatnog rješavanja statusnih pitanja policijskih službenika sa utvrđenom II kategorijom invalidnosti na nivou cijele Federacije.

Radna grupa je ispunila svoj zadatak, te zamjeniku direktora Federalne uprave policije dostavila Izvještaj o radu zajedno sa pripremljenim prednacrtima i to:

- Prednacrt Zakona o izmjenama i dopunama Zakona o policijskim službenicima Federacije BiH;
- Prednacrt Zakona o dopunama Zakona o državnoj službi F BiH;
- Prednacrt Zakona o dopunama Zakona o namještenicima u organima državne službe u Federaciji BiH.

--

Srdačan pozdrav,

Ale ŠILJDEDIĆ, samostalni inspektor
Portparol Uprave policije MUP-a USK

+387 37 305 060
+387 60 3194 361